



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Lilivm Inter Spinis**

**Sterre, Jean Chrysostome van der**

**Antverpiæ, 1627**

Lectori Candido.

**urn:nbn:de:hbz:466:1-43032**

LECTORI  
CANDIDO.



*Q*VAM hinc publici iuris  
facimus Beati Steinuel-  
densis IOSEPH Præ-  
monstratensis Ordinis  
Canonici Vitam, ex peruetusto  
Steinueldensis Ecclesie Archetypo  
fideliter descriptam, mecum perbe-  
nignè communicare dignatus est  
R. D. Petrus Rostius, eiusdem  
Steinueldensis Ecclesie Canonicus:  
qui pro pio suo affectu iuvandi qua-  
lescumque conatus nostros, ad illu-  
strandum res Ordinis nostri sacri,  
& alia complura nobis suggestit,  
atque inter ea, nonnulla pia B. IO-  
SEPHI

SEPHI

SEPHI Opuscula, quæ Vita huius  
calci subnexa sunt.

Vita huic, Notationibus illu-  
strata, suum locum inter SIDERA  
mea illustrium Virorum assignaue-  
ram, qui Premonstrati Ordinis  
calum heroicis virtutibus ac rebus  
pro Dei gloria magnificè gestis illu-  
strarunt. Verùm cum ea præclaris  
adeò referta esset sanctitatis exem-  
plis, ac potissimum eximij erga Vir-  
ginem Matrem cultus; ideòque  
illam conueniret non solum Can-  
didi Ordinis, sed & aliarum Re-  
ligionum professoribus, ac potissi-  
mum omnibus Virginis Deiparæ  
amatoribus, ac Parthenijs Sodali-  
bus, fieri familiarem; non potui non  
Reuerendi admodum Domini  
Chri-

Christophori Pilckmanni Steinuel-  
densis Abbatis meritissimi consilio  
ac suggestioni acquiescere, ac eam-  
dem in separato quodam Libello  
publicare: potissimum cum glorio-  
sissimus Imperator FERDINAN-  
DVS II. duodecim Austriaci san-  
guinis Caesarum immortale decus,  
quem erga Premonstratam ac  
Candidam Diui NORBERTI fa-  
miliam non dubijs argumentis  
favorem declaravit, noua benefi-  
ciorum cumulatione augere non  
cesset.

Ille enim non ita pridem, ut af-  
flictissima Germaniae suae non hu-  
mana solum, sed diuina potius at-  
que caelestia auxilia magis magis-  
que conciliaret; instantissimis à

\* \*

S. Se-

S. Sede Apostolica precibus per  
Oratorem suum Illustrissimum Sa-  
uelli Principem, sed & per Illustris-  
simos ac Reuerendissimos Cardi-  
nales inclitæ Germanicæ Natio-  
nis Protectores, diuinos ac publi-  
cos petijt eidem Beatissimo IOSE-  
PHO, olim HERMANNO dicto,  
decerni honores, qui in inclito ac  
Regularis disciplina obseruantissi-  
mo Steinueldiæ Cœnobio prope Co-  
loniam Agrippinam, Agrippinas  
ipse, ante annos quadringentos  
ea vitæ morumque integritate  
ac sanctimonia vixit (verba sunt  
Pijssimi Cesaris in datis ad Ora-  
torem suum amplissimis literis, quæ  
hic Lectori in preliminaribus hac  
Prefatione, ad B. IOSEPH non  
exi-

exiguam commendationem praefi-  
gere placuit ) vt in omnibus eius  
actionibus semper diuini quid  
resplenduerit : eiusque monu-  
mentum istic & sacra ossa varijs  
& nouis etiamnum indies mi-  
raculis clareant. Huius viri ho-  
norem (*pergit Imperator*) & glo-  
riam qua iam pridem inter Bea-  
torum sedes coronatus reful-  
get, cùm vniuersus Sacer Ordo  
Premonstratensis, peculiari erga  
Confratrem suum reuerentiæ  
affectu, auctam, & Sanctitatis  
Suæ auctoritate apud mortales  
propagatam desideret ; meritò  
& Nos pijssimo eiusdem deside-  
rio libenter annuimus, atque  
ideò magis suffragamur, quòd

\* \* 2 agno-

agnoscamus, tot annorum tribulationibus afflictæ & exagitatae Germaniæ nostræ, atque in ea militantis Ecclesiæ, plurimum interesse, vt Sanctorum suorum Tutelarium numerus in cælis augeatur, veneratio amplietur, & honor atque gloria quotidianis augmentis magis magisque in terris inclarescat. Cùm itaque certam fiduciam conceperimus, Apostolicam benignitatem Nobis, qui primus & supremus Ecclesiæ Aduocatus audimus, haud grauatim id tributuram, quod & Italia & Hispania nuper precibus suis à Summo Ecclesiæ Pastore datum gloriatur & gaudet: idcirco dicti Ordinis  
desi-



desiderium , quod & nostrum  
est , S A N C T I T A T I S V A E reue-  
renter proponetis , atque nostro  
nomine obnixè rogabitis , vt di-  
cti Viri memoriam Decreto suo  
Apostolico in Beatorum clas-  
sem accensere paternè dignetur.  
Exultabit tam insigni beneficio  
decoratus Religiosus Ordo Prę-  
monstratensis , à Monasticæ di-  
sciplinæ rigore , & quotidianis  
pietatis officijs in Imperio atque  
hisce Prouincijs , tum vel maxi-  
mè Regia nostra Pragensi , per-  
celebris ; & cum vniuersa Ger-  
mania nostra preces suas nobis  
conciliantibus exauditas , ac  
Beati sui memoriam magis ex-  
altandi occasionem se adeptum

★★ 3 Fe-



Festis anniuersarijs gratius reco-  
let. Nos verò peculiari affectu,  
gloriæ huius impetrandæ auidi,  
in spiritualis solatij complemen-  
tum fiducia nostræ erga Cælites  
plurimum accessisse profitebi-  
mur. *Hæc est alia Magnus Cesar:*  
*qui denique concludit, interiectis*  
*nonnullis de commendando hoc ne-*  
*gotio Illustrissimis Cardinalibus*  
*Germanicæ Nationis protectori-*  
*bus, vt SANCTITATIS SVÆ be-*  
*nignissimo oraculo totius Can-*  
*didissimi Ordinis gaudium con-*  
*summetur: quod à priuatis etiam*  
*caussis impensè nos desiderare*  
*denuò repetimus. Ex hisce Lector*  
*facile intelliges, quo in loco hanc*  
*I O S E P H I Vitam habere debeas :*  
*cuius*

cuius ad eò gloria promouenda ip-  
sam etiam Sac. Cæs. Maiestatem  
studere conspicias. Verissimum nam-  
que est illud diuini Spiritus per os  
Sapientis prolatum oraculum: Hu-  
mitem spiritu suscipiet gloria.  
Prouerbiorum 29.

Quid autem in hac Vita re-  
censenda à me præstitum sit, ex  
Notationibus eidem subiunctis  
discere poteris. Benè uine &  
vale.



ECCLE-